

# Ժողովուրդ

55  
(2905)

18 ապրիլի հինգշաբթի 2024  
տպագրության ԺԳ տարի

Ք. Երևան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

## ՔԵԲԹԵՆ ԱՆԱՐԻՏ ԱՎԱՆԵՍՅԱՆԻՆԵՆ Է



«Ժողովուրդ» օրաթերթի տեղեկությունների համաձայն՝ ապրիլի 16-ին իրավապահ համակարգը փորձել է կապ հաստատել առողջապահության նախարար Անահիտ Ավանեսյանի հետ՝ նախարարության շուրջ տեղի ունեցող դեպքերի մասով նրան մի քանի հարց ուղղելու համար: Սակայն նախարարությունից նախաքննական մարմնին պատասխանել են, թե օրենքով սահմանված կարգով ծանուցում ուղարկվեք, ու նախարարը կգա, կպատասխանի ձեր հարցերին: Դատելով իրավիճակից՝ Կոմիտեն համապատասխան ծանուցումը կուղարկի ՀՀ առողջապահության նախարար Անահիտ Ավանեսյանին: Կատարվածի մասով դիմեցինք առողջապահության նախարարություն: Ի պատասխան՝ նախարարի մամուլի խոսնակ Մարիամ Ծատրյանը հայտնեց. «Տեղեկությունը մտացածին է, հերքում եմ: Ինչպես երեկ տիկին նախարարը կըլի շրջանում որեւէ գործի շրջանակում չի հարցաքննվել, իրավապահների կողմից որեւէ հարցաքննության չի հրավիրվել: Նախադեպ չեմ հիշում, երբ Անահիտ Ավանեսյանը, վատառողջ լինելու պատճառով անգամ աշխատանքից բացակայի»: Նշենք, որ ապրիլի 16-ի վաղ առավոտից, ՀՀ առողջապահության նախարարությունում ՀՀ քննչական կոմիտեի՝ պետության, սահմանադրական կարգի հիմունքների եւ հասարակական անվտանգության դեմ ուղղված հանցագործությունների քննության գլխավոր վարչությունում իրականացվող քրեական վարույթով՝ ՀՀ քննչական կոմիտեի քննիչների կողմից, ՀՀ ԱԾ աշխատակիցների օժանդակությամբ իրականացվեցին անհետաձգելի քննչական եւ այլ դատավարական գործողություններ, այդ թվում՝ ՀՀ առողջապահության նախարարությունում եւ «Ուիզմոր» բժշկական կենտրոնում կատարվեցին խուզարկություններ: Իրավապահները կասկածում են, որ մանկական մեծ հիվանդանոցի բացմանը մասնակցած Անահիտ Ավանեսյանը նաեւ մասնաբաժին ունի այդ կառույցում եւ սկսել է պետական գույքի բաշխումները հոգուտ հիվանդանոցի անել: Բացի դրանից, քանի որ «Արմֆարմացիա» դեղագործական խոշոր ընկերություններից մեկում խոշոր բաժնեմաս ունի Անահիտ Ավանեսյանի մայրը, տնօրենն էլ ամուսինն է եղել, կասկածներ կան, որ դեղերի շուկայում մի շարք ապօրինություններ, գուցե նաեւ, այդ խողովակով է արվում: Այսինքն՝ շահերի բախման կասկածներ կան: Եվ ահա, իրավապահները գնացել էին ստուգելու այս ամենը. իսկ Անահիտ Ավանեսյանը «անմեղ» աշխատում էր՝ ՀՀ կառավարության նիստի շրջանակներում:

**Աժ** նախկին պատգամավոր Միեր Սեդրակյանի ընտանիքին պատկանող «Բիդեք» ՍՊԸ-ում հայտնաբերվել են 4 ձեռնարկված վարձու աշխատողներ, որոնց հարցով կազմվել է 1 միլիոն դրամի ակտ: Առավելապես պետական պատվերով եւ Երևանում մշտապես շինարարություն իրականացնող «Բիդեքը» չհիմնավորված ռիսկի է գնացել, քանզի շինարարության բնագավառում միշտ առկա են կյանքի համար վտանգավոր իրավիճակներ, եւ դժբախտ պատահարի դեպքում աշխատողի չգրանցված լինելը լի է պատասխանատվության խստագույն հետեւանքներով: Մյուս կողմից՝ իշխանությունները իրենց «սրտի» կառուցապատողներից որ մեկի մոտ էլ փորձեն ստուգում իրականացնել, կբացահայտեն ավելին. այլ հարց է, որ չեն անում. եւ ինչո՞ւ...



**Օ**րերս ՊԵԿ-ը հատարաբեց, որ 2023 թվականի եկամտային հարկի տարեկան հաշվարկ-հայտարարագրի ներկայացման վերջնաժամկետը հետաձգվում է մինչեւ հուլիսի 22-ը: Այս մասին ՊԵԿ-ը տեղեկացնում է հայտարարագրերի լրացման վերջնաժամկետից գրեթե մեկ ամիս առաջ, երբ պետական բոլոր պատասխանատու կառույցները ֆիզիկապես եւ տեխնիկապես «պայթեցված» են: Բացատրենք. բանն այն է, որ ՊԵԿ-ը հայտարարությունում մասնավորապես նշել է. «Հայտարարատուներին տեղեկացվում է, որ, հիմք ընդունելով ՀՀ հարկային օրենսգրքի 53 հոդվածի 6-րդ մասը, եւ հաշվի առնելով, որ 2023 թվականի համար հաշվարկ-հայտարարագրի ներկայացնող անձանց մի մասը դեռ չի կարողացել անցնել անձի խիստ նույնականացում նույնականացման քարտի կամ բջջային նույնականացման քարտի միջոցով, ինչպես նաեւ ՀՀ ՆԳՆ միգրացիայի եւ քաղաքացիության ծառայությունում նույնականացման քարտ ստանալու համար առկա են մեծաքանակի հերթեր, 2023 թվականի համար հաշվարկ-հայտարարագրի ներկայացնելու վերջնաժամկետը հետաձգվում է համապատասխան հաշվարկ-հայտարարագրի ներկայացնելու վերջնաժամկետի օրվանից 81 օրով՝ մինչեւ սույն թվականի հուլիսի 22-ը»: Հետաքրքիրն այն է, որ չկա երաշխիք, որ մինչեւ հուլիսի 22-ը հերթերը ավարտված կլինեն, եւ համակարգը անխափան կգործի: Սա դառնում է եւս մեկ ապացույց այն բանի, որ իշխանությունը փորձում է ինչ-որ բան փոխել՝ պատմության մեջ մնալու համար, սակայն երբեք այդ փոփոխության ռիսկերը եւ խնդիրները հաշվի չի առնում: Արցախից բռնի տեղահանված քաղաքացիներին անձնագրայիններում դռնեղուռ գցելուց հետո էլ չպատկերացրին, որ նախնադարյան համակարգը 21-րդ դարում չի գործելու, որ մարդիկ հերթերը իրենց կսահմանեն՝ թղթի վրա գրելով: Անձնագրայիններում վիզաների, քաղաքացիության եւ այլ հարցերի ժամանակ առաջացած հարցերը փորձեցին լուծել էլեկտրոնային հերթագրման համակարգի միջոցով, սակայն, դեռ չլուծած մի ողջ համակարգի խնդիր՝ բարդվեց մյուսը. հայտարարագրման համակարգը լրացնելու համար պետք է ունենալ ID նույնականացման քարտ: Հենց սրանց պատճառով էլ հերթեր են գոյանում, եւ խափանվում է մի ողջ համակարգ: Ստացվում է, որ համակարգի ներդրման պահից, դրանից հետո եւ լրացման պահին պատրաստ էր հայտարարատու անձը, սակայն ոչ պետությունը, ոչ համակարգը, ոչ էլ ՊԵԿ-ը պատրաստ չէին այս բռն իրենց ուսերին առնելու առաքելությանը:

**ՀՀ** իշխանությունները ԵՄ անդամակցության հարցն այլեւս անհաս ցանկություն են համարում: Ինչպես ավելի վաղ «Ժողովուրդ» օրաթերթը հայտնել էր, վերջին շրջանում ԶԳ-ականների համար անվտանգային բոլոր հարցերը մի կողմ դրած՝ ԵՄ անդամակցության թեկնածության հարցը դարձել էր թիվ մեկ օրակարգ, ԶԳ գրեթե բոլոր նիստերի առաջնային հարցը սա էր: Հատուկ ԵՄ անդամակցության հարցի շուրջ քննարկում ունենալու համար Նիկոլ Փաշինյանը շաբաթը մի քանի անգամ գալիս էր ԱԺ փակ հանդիպման: Բայց, արի ու տես, ԶԳ-ականները հավանաբար գլխի են ընկել, որ սա մեկ օրվա հարց չէ ու որոշել են այս պահին առկախել դրա շուրջ քննարկումները: Մեր աղբյուրների փոխանցմամբ՝ առկախման հիմնական պատճառն այս հարցի շուրջ ԶԳ-ում առկա տարաձայնություններն են: Չնայած ինտենսիվ հանդիպումներին՝ ԶԳ-ականներին այդպես էլ չի հաջողվել կոնսենսուսի գալ սրա շուրջ: Թիմի «Եվրոպամետ» հատվածն այն կարծիքին է, որ պետք է արագ գործել ու ամբողջ ռեսուրսը ներդնել, որ գործընթացը հաջողությամբ ավարտին հասցնեն, մի մասն էլ գլխի է գցել, որ դա հեշտ բան չէ, պետք է ճիշտ գնահատել դրա հետեւանքներն ու նոր գործել: Ահա այս տարակարծություններին արդյունքում ԵՄ անդամակցության հարցը, թեւեւ փակված չէ, սակայն այս պահի դրությամբ երկրորդ պլան է մղվել:



ՔԱՂԱՔԱԿԱՆ

ԶԻ ԶԱՎԱՏՈՒՄ ՄԻՋԱՂԵՊԻՆ

«ՇՈՌԻ ԵՆ ՄԱՐՔԵԼ». ԱՂԱԶԱՐՅԱՆ

ArmLur.am-ի գրուցակիցը ԲՊ խմբակցության դասգամավոր Հովիկ Աղազարյանն է:

-Պարոն Աղազարյան, երեկ հայտնի դարձավ, որ Ձեր թիմակցի՝ Յակոբ Ասլանյանի հետ վեճի բռնկած քաղաքացուն դաժան ծեծի են ենթարկել, թքել են երեսին: Սա տեղի է ունեցել քաղաքացուն ՁՊՎ տեղափոխվելու ճանապարհին, երբ նրա ձեռքերը շղթայված են եղել: Այս մասին ահազանգել են նաև նրա պաշտպանները, նրան տեսակցած ընդդիմադիր պատգամավորները:

-Լկտիաբար ստում են. եթե չկա դատաբժշկական արձանագրություն, ապա լկտիաբար ստում են:

-Պարոն Աղազարյան, բայց քաղաքացին է նրանց հստակ պատմել, թե ինչպես են իր հետ վարվել: Բացի սրանից՝ թե՛ պաշտպանները, թե՛ պատգամավորները տեսակցել են քաղաքացուն, տեսել են՝ ինչ վիճակում է նա:

-Նման հայտարարությունները հո բառերով չե՛ն ասվում, գոյություն ունեն համապատասխան ընթացակարգեր. ինչո՞ւ անմիջապես չեն հրավիրել բժշկի, տրամաբանական հարց է առաջանում ինչո՞ւ պաշտպանները չեն արել, հետևաբար՝ շոու են սարքում իրենք:

Իրենք ասում են, իրենք էլ այդ ասածին հղում կատարում: Չկա համապատասխան ընթացակարգով բժշկական փորձաքննության զննություն. ես կարող եմ ասել միայն, որ իրենք ստում են:

-Քաղաքացին նաև իրեն այցելած ՄԻՊ արագ արձագանքման խմբին է պատմել այս ամենը:

-Ըստ այս քաղաքացու՝ Յակոբ Ասլանյանը հարձակվել էր իր վրա, հենց իր նկարած տեսագրությունն էլ, երբ նայում ենք, ասում է՝ հարձակվել են իր վրա, բայց որեւէ ողջամիտ մարդ, որ նայում է այդ երիտասարդի կողմից արված տեսագրությանը, կարող է նման հետետու-թյուն անել:



սագրությանը, կարող է նման հետետու-թյուն անել:

-Բայց Յակոբ Ասլանյանն ինքն էր պատմել էր, որ հրել է քաղաքացուն:

-Յակոբ Ասլանյանը չի հերքում, որ հրել է, բայց քաղաքացին ու իր պաշտպանը հայտարարում են, թե հարձակվել են:

Քանի չկա դատաբժշկական փորձաքննությունը, իմ պատասխանը նույնն է լինելու՝ նրանք լկտիաբար ստում են: Պատկերացնո՞ւմ եք, եթե իսկապես

նման բան լիներ, հիմա նրանք հեռախոսներով նկարել էին այդ տղային, կատարված խոշտանգման հետքերը եւ բերել էին բոլորիս աչքն էին «մտցրել»: Յետևաբար՝ չեմ կարող անհիմն դատողություններ անել:

-Յնարավոր է՝ քաղաքացին չի ցանկացել այդ վիճակում իր լուսանկարները հրապարակվեն:

-Կարող է, իհարկե, այդ դեպքում բժշկի արձանագրություն էլ կարող էր լինել: **Ջրուցեց ՔՐԻՍՏԻՆԱ ՄՈՒՇԵՂՅԱՆԸ**

«ԵՐԿՈՒ ԿՈՂՄԻՑ ՄԱՀՄԱՆԱՊԱՀՆԵՐ ԿԼԻՆԵՆ»

«ԵՐԿՈՒ ԿՈՂՄԻՑ ՄԱՀՄԱՆԱՊԱՀՆԵՐ ԿԼԻՆԵՆ»



Այսօր Նիկոլ Փաշինյանը կրկին գնացել էր Տավուշ՝ ոսկեպարցիների հետ սահմանազատման աշխատանքների մասով քննարկում ունենալու:

Քաղաքագետ Սուրեն Պետրոսյանն ArmLur.am-ի հետ զրույցում, մանրամասներ հայտնելով հանդիպումից, պատմեց, որ Փաշինյանը ոսկեպարցիներին ասել է՝ 90%-ով համաձայնեցված է Ադրբեջանի նախագահի հետ՝ մենք մեր տարածքում մնալու ենք նույն դիրքերում. «Փաշինյանն ասել է՝ մի հատվածում միայն կարող է տարածքի փոխանակում անենք՝ համարժեք, այսինքն՝ այնպիսի փոփոխություն, որ միջպետական ճանապարհը մնա մեր վերահսկողության տակ:

Մինչ Ոսկեպար հասնելը մի տարածք կա, որը, ըստ իրենց, ԽՍՀՄ քարտեզով է ադրբեջանական, հիմա ասում են՝ դա մնա մեր վերահսկողության տակ, եռանկյունի հատվածը համարժեք փոխանակում արվի. այսինքն՝ կա համաձայնություն, որ դիրքերի փոփոխություն չի լինելու»:

Սուրեն Պետրոսյանի խոսքով՝ Նիկոլ Փաշինյանը ոսկեպարցիներին նաև ասել է, որ Ոսկեպարի գնացող պլնտորանքային ճանապարհի կկառուցեն, սակայն բնակիչները չեն համաձայնվել. «Մարդիկ բնականաբար գլխի են ընկել, որ սա միակողմանի զիջման համար նախապատրաստական աշխատանք է:

Մարդիկ ասել են՝ դեմ ենք, թույլ չենք տա, Փաշինյանն էլ ասել է՝ լավ չենք կառուցի:

Նա ասել է նաև, որ դիրքերում երկու կողմից էլ սահմանապահներ կլինեն, այսինքն՝ բանակ չի լինի», - պատմեց քաղաքագետը:

Սուրեն Պետրոսյանը շեշտում է՝ երկու կարելու ուղերձ կա, որ պետք է արձանագրել. ոսկեպարցիներն այս պահի դրությամբ միանձնյա կարողացել են փոփոխել այս գործընթացը: Ճիշտ է, դա չի ավարտվել, բայց կասեցվել է. «Բոլորը իդեալական հասկանում են, որ սա խաբկանք է, փափուկ բարձ են դնում մարդկանց գլխի տակ, որ ժամանակ շահեն, մոռացության տան, որպեսզի հանրության հետ լավ աշխատանք տանեն, եւ մյուս անգամ նոր տարածքների հանձման դեպքում դիմադրություն չլինի, բայց փաստացի՝ ոսկեպարցիները խնդիր են լուծել», - ասում է քաղաքագետը:

ԼՈՒՐԵՐ

ԿՐԵՄԼԸ ՀԱՍՏԱՏԵԼ Է ԽԱՂԱՊԱՊԱՀՆԵՐԻ ԳՈՒՐՍԵՐՈՒՄԸ

Կրեմլի խոսնակ Դմիտրի Պեսկովը հաստատել է, որ ռուսական խաղաղապահ զորախումբը հեռանում է Լեռնային Ղարաբաղից: Ավելի վաղ նման տեղեկություն էին հայտնել ադրբեջանական լրատվամիջոցները՝ տարածելով նաև ռուսական ռազմական տեխնիկայի տեղաշարժը ներկայացնող տեսանյութեր:

Նշվում է, որ ռուսական անձնակազմը մի քանի օր առաջ լքել է Դադիվանքի տարածքը: Ըստ ադրբեջանական կողմի՝ համալիրն այժմ հսկում է Ադրբեջանի ոստիկանությունը:

Հիշեցնենք՝ ռուս խաղաղապահ զորակազմը տարածաշրջանում տեղակայվել էր 2020 թվականին՝ 5 տարի ժամկետով: Պայմանավորվածությունների համաձայն՝ այնտեղ են ուղարկվել 1960 զինծառայող՝ հրաձգային զենքով, 90 զրահամեքենա եւ 380 միավոր ավտոմոբիլային եւ հատուկ տեխնիկա: Ըստ նոյեմբերի 9-ի եռակողմ հայտարարության՝ զորախմբի տեղակայման ժամկետը հերթական 5-ամյա ժամկետներով ավտոմատ կերպով երկարաձգվում է, եթե կողմերից որեւէ մեկը ժամկետի ավարտից 6 ամիս առաջ առարկություն չի հայտնում:



Խաղաղապահները, սակայն, գործնականում ձախողել են առաքելությունը, ինչի հետեւանքով Լեռնային Ղարաբաղն ամբողջությամբ հայաթափվել է:

ՓԱՇԻՆՅԱՆԸ ԽԱՐԵԼ Է

2018 թվականի մայիսի 15-ին ՀՀ առողջապահության նախարարությունում ունեցած ելույթի ժամանակ Նիկոլ Փաշինյանը հայտարարեց, որ «Պետական պատվերի համակարգը սպառել է իրեն, եւ մենք

պետք է փորձենք այնպիսի համակարգներով, որպեսզի կարողանանք լուծել ռազմավարական նշանակության այդ հարցը»:

«Ժողովուրդ» օրաթերթը արձանագրեց, որ շուրջ 6 տարի անց, ոլորտում նույն պատկերն է. քաղաքացիները բողոքում են, որ երբ պետպատվերով դիմում են բուժսպասարկման, պատասխան են ստանում, թե պետպատվերը վերջացել է: Ու զարմանալի է, թե ինչպես է կատարվում պլանավորումը, բաշխվածությունը, որ տարվա կեսին արդեն այն սպառվում է:

Ընդ որում, մամուլը հաճախ է գրել այս ոլորտում շահերի բախման, կոռուպցիոն ռիսկերի մասին: Օրինակ, երբ Արսեն Թորոսյանը առողջապահության նախարար էր, պետպատվերով միլիոնավոր դրամների հատկացում էր կատարվում նրա կնոջը պատկանող բժշկական կենտրոնին:

«Միքս» բժշկական կենտրոնը, որը 2017 թվականին պետպատվերի գումար ընդհանրապես չի ստացել, հեղափոխությունից հետո դարձել է պետբյուջեից ամենաշատ գումարներ ստացող կենտրոններից մեկը:

Հատկացումները, ըստ Առողջապահության նախարարության, եղել են այսպիսի.

- ✓ 2017 - 0 դրամ
  - ✓ 2018 - 25.1 մլն դրամ
  - ✓ 2019 - 98.9 մլն դրամ
  - ✓ 2020 - 127.6 մլն դրամ
- Բա ասում եք՝ կոռուպցիա չկա:

ԻՐԱՎԻՃԱԿ

ՌՎ Է ՊԱՏԱՍԽԱՆ ՏԱԼՈՒ

ԽՈՇՏԱՆԳՎԱԾԻՆ ՈՒԶՈՒՄ ԵՆ ԿԱԼԱՆԱՎՈՐԵԼ

ՀԱՆՁՆԵԼ Է ՀԱՎԱՏԱՐՄԱԳԻՐԵՐ



Հանրապետության նախագահ Վահագն Խաչատրյանին իր հավատարմագրերն է հանձնել Հայաստանում Հարավային Աֆրիկայի Հանրապետության արտակարգ և լիազոր դեսպան Շոայբ Կասուն (Նստավայրը՝ Կիե)։

Շնորհավորելով նորանշանակ դեսպանին պաշտոնը ստանձնելու կապակցությամբ՝ նախագահը նշել է. «Վստահ եմ, որ Ձեր նշանակումը լրացուցիչ լիցք կհաղորդի մեր երկու երկրների հարաբերություններին։ Նաեւ առիթն օգտագործելով՝ ուզում եմ նախապես շնորհավորել Ձեզ եւ հարավաֆրիկյան ժողովրդին ապրիլի 27-ի՝ ձեզ համար շատ կարեւոր իրադարձության՝ Ազատության օրվա 30-ամյակի կապակցությամբ։

Ուզում եմ նաեւ մաղթել Ձեզ եւ ձեր ժողովրդին հաջողություններ, նոր ձեռքբերումներ, ինչպէս նաեւ հետեւողականություն եւ կամք՝ ժողովրդավարական արժեքներն արմատավորելու եւ դեմոկրատիայի սկզբունքները դավանելու գործում»։

Շնորհակալություն հայտնելով ընդունելության եւ բարեմաղթանքների համար՝ դեսպան Կասուն ասել է. «Մեծապես ոգեւորված եմ այստեղ գտնվելու համար։ Շնորհակալություն Ձեր կառավարությանը ջերմ ընդունելության համար։ Արդեն իսկ շատ լավ հանդիպումներ եմ ունեցել արագործ-նախարարության գործընկերների հետ։ Ոգեւորված եմ իմ նշանակման կապակցությամբ եւ իմ բոլոր ջանքերը կներդնեմ մեր պետությունների հարաբերությունների ամրապնդման համար»։

Հանդիպման ընթացքում քննարկվել են Հայաստանի եւ ՀԱՀ միջեւ տարբեր ոլորտներում համագործակցության խթանման ուղիներին առնչվող հարցեր։

Անդրադարձ է կատարվել երկու երկրների միջեւ մուտքի արտոնագրային ռեժիմի դյուրացման հնարավորություններին, ինչը կնպաստի տնտեսական, գործարար, զբոսաշրջության եւ այլ ոլորտներում համագործակցության զարգացմանը։

Զրույցի ընթացքում մտքեր են փոխանակվել տարածաշրջանային իրադրության եւ զարգացումների վերաբերյալ։ Այս համատեքստում նախագահ Վահագն Խաչատրյանը վերահաստատել է Հայաստանի միանշանակ դիրքորոշումը՝ կայուն եւ հարատեւ խաղաղության հասնելու եւ հարեւանների հետ խաղաղ համակեցության ու բարիդրացիության սկզբունքներով հարաբերություններ կառուցելու վերաբերյալ։

Հայաստանի իշխանություններն ահաբեկում են ընդդիմադիր հայացքներ ունեցող ֆաղաֆաղներին, որդեսգի որեւէ մեկի մահով չանցնի ֆննադատել իշխանական գործիչներին։

Ասվածի վառ ապացույցը ապրիլի 15-ի միջադեպին իշխանության տված արձագանքն է։

Հիշեցնենք, որ երիտասարդ Սամվել Վարդանյանը հանրային տրանսպորտում վիրավորել էր ԶՊ խմբակցության պատգամավոր Հակոբ Ասլանյանին՝ անվանելով «հակահայ վիժվածք», «ժեխ բիճա» եւ «դավաճան»։ Դեպքից անմիջապես հետո ArmLur.am-ը զրուցել էր Հակոբ Ասլանյանի հետ, որը հայտնեց, որ բողոք չունի. «Ջահել, հիմար տղա էր, ի՛նչ բողոքեմ»։

Սակայն, ԱԺ նախագահ Ալեն Սիմոնյանը, որ թքել էր քաղաքացու դեմքին, ԶՊ խմբակցության քարտուղար Արթուր Հովհաննիսյանը, որ սպառնում էր ընդդիմադիր ՄԻՊ թեկնածուի ականջները կտրել, շտապեցին դատապարտել եւ քննչական մարմիններին ուղղորդեցին, որ երիտասարդին խիստ պատժի պետք է արժանացնեն։ Նրանց հայտարարություններից հետո ԶՊ պատգամավոր Հակոբ Ասլանյանը հետ կանգնեց իր մտքից, ուստիկանությունում բողոք գրեց ընդդիմադիր երիտասարդի վրա, ինչից հետո երիտասարդին ձերբակալեցին։

Բացի իրավական կոշտ մեթոդներից, Սամվել Վարդանյանի նկատմամբ նաեւ խոշտանգում է տեղի ունեցել մեկ օր անաջ՝ ՀՀ ոստիկանության օրը։ Այսպիսով՝ ապրիլի 16-ի գիշերը, երբ երիտասարդին քննչական ծառայությունից ՁՊՎ են տեղափոխել, ոստիկանական ավտոմեքենան մութ մի տեղ կայանել է՝ ոստիկանների բնական կարիքները հոգալու անհրաժեշտությամբ։ Սամվելը ձեռնաշղթաներով եղել է ավտոմեքենայի մեջ, ում ոստիկանները թողել են միայնակ եւ իջել են ավտոմեքենայից՝ իրենց պահանջներով։

Հանկարծ ավտոմեքենայի դուռը բացել են ամբողջությամբ սեւ հագած դիմակա-



վորված անձինք, մեքենայից դուրս են հանել շղթայված Սամվել Վարդանյանին, մի քանի մետր այն կողմ են տարել՝ խոտերի մեջ, նրան չորքեցրել, գլուխը հարվածել են գետնին։ Ըստ փաստաբան Վարազդատ Հարությունյանի՝ ըստ երեւոյթին՝ Սամվելի ճակատի ուռած մասը հենց դրա հետեւանքն է եղել։

Սկսել են ձեռքերով հարվածել նրան։ Այդ ամբողջ գործընթացը ուղեկցվել է սեռական բնույթի հայիդյանքներով, վերջին խոսքերով։ Ընդ որում, ծեծողները պահանջել են Սամվելից, որ կրկին իր նկատմամբ սեռական բնույթի հայիդյանքները։ Այնուհետեւ, չորքած վիճակում նրան պահելով՝ ձեռքերը՝ հետեւի կողմից ձեռնաշղթայված, տաբատը իջեցրել են, փայտը կամ դուբիկական դեմոնստրատիվ պահել են ոտքերի արանքում՝ այդպիսով ցան-

կանալով ինչ-որ բան ցուցադրել, սպառնալ կամ վախեցնել։ Իսկ արդեն վերջում 3-4 հոգին թքել են նրա վրա ու բերել, շարտել ավտոմեքենայի մեջ։ Մեկ ընկնելու անց բնական կարիքները հոգալուց հետո վերադարձել են ուղեկցող ոստիկանները եւ շարունակել ճանապարհը՝ ասես աչինջ չի եղել։

Այսօր արդեն պարզ դարձավ, որ Սամվել Վարդանյանին այսքանից հետո առաջադրվել է մեղադրանք ոչ միայն խուլիգանության, այլեւ քաղաքական հայացքներով պայմանավորված՝ թշնամանք իրահրելու (լուսահոգի Արմեն Գրիգորյանի հողվածով, որը մահացավ դատարանի դահլիճում՝ կալանքի տակ)։ Այսինքն՝ նպատակ կա կալանավորելու խոշտանգված երիտասարդին։

ԸՆՏԱՐ ՄԱՆՈՒԿԱՆ

ՕՐՎԱ ԽՃԱՆԿԱՐ

Ռ. ՎԱՐԴԱՆՅԱՆԸ՝ Miloserdie-ի ԲԱՐԵԳՈՐԾՆԵՐԻ ԸՆԱԲՈՒՄ

Բարեգործությանը նվիրված Miloserdie որոսայն օրեսուցի Մեկեմասի եւ բարեգործի օրվա առիթով հրապարակում է որոսաստեղ հինգ արսասովոր անձանց մասին, որոնք ամեն ինչ արել են աշխարհում ավելի լավ դարձնելու համար՝ չվախենալով հրաժարվել իրենց հարսությունից։

Հինգ բացառիկ բարեգործների թվում է նաեւ մեր հայրենակից, աղբեջանական իշխանությունների կողմից ապօրինի ձերբակալված եւ Բաքվի բանտում պահվող Ռուբեն Վարդանյանը, որը ներկայացվել է որպես Հայաստանի, Ռուսաստանի եւ համաշխարհային մեկեմաս։ Այս առնչությամբ հողվածի հեղինակը գրում է. «Ռուբեն Վարդանյանը մնաց շրջափակված Լեռնային Ղարաբաղում, այն հողի վրա, որի ճակատագրի շուրջ Հայաստանն ու Ադրբեջանը չեն կարողանում պայմանավորվել, այնուհետեւ գերեվարվեց Ադրբեջանի իշխանությունների կողմից։ 2024 թվականի ապրիլին Ռուբեն Վարդանյանին առաջադրել են խաղաղության Նոբելյան մրցանակի՝ այդպիսով գնահատելով բարեգործության մեջ ունեցած նրա ակնառու ներդրումը»։ Նշելով, որ Ռուբեն Վարդանյանը դեռեւս 90-ականների կեսե-

րին էր իր ջանքերն ուղղել սոցիալական ծեռներեցության, մեկեմասության եւ բարեգործության զարգացմանը, պորտալը մեջբերել է սոցիալական պատասխանատվության մասին հենց Վարդանյանի խոսքերը. «Առանց սոցիալական պատասխանատվության չի կարող բիզնես լինել։ Բիզնեսը չպետք է նախ կործանի աշխարհը, հետո գումարներ ծախսի այդ աշխարհը վերականգնելու համար... Այն կարգավորումը, թե «ես հարկ եմ վճարում, ուրեմն ես լուծում եմ խնդիրների մի մասը», այլեւս չի աշխատում»։

Հողվածում հիշատակվում են նաեւ Ռուբեն Վարդանյանի կողմից իրականացված ծրագրերը. «Ռուբեն Վարդանյանի՝ ապագա գործընթացները կանխազգալու տաղանդի շնորհիվ Դիլիջանում բացվեց տաղանդավոր երեխաների համար դպրոց, որտեղ ձգտում են սովորել դպրոցականներ ամբողջ աշխարհից, ինչը նաեւ զբոսաշրջությունը զարգացնելու խթան էր։ Նրա ֆինանսական միջոցներով է կառուցվել աշխարհի ամենաերկար ճակատային «Տաթեւերը», որը տանում է դեպի Տաթեւի միջնադարյան վանական համալիր։ «Ավորոս» միջազգային մարդասիրական մրցանակը, որը նախատեսված է բազմաթիվ մարդկային կյանքեր փրկած

անձնվեր մարդկանց եւ իրավապաշտպանների համար, Վարդանյանի ամենահայտնի նախագիծն է»։ Ռուբեն Վարդանյանից բացի՝ անցյալի ու ներկայի հինգ լեգենդար բարեգործների թվում են նաեւ ամերիկացի Չառլզ Ֆինին, որը հսկայական գումար ութ միլիարդ դոլար է նվիրաբերել բարեգործությանը, ամերիկացի լեգենդար ալպինիստ, Patagonia ապրանքանիշի հիմնադիր, 85-ամյա միլիարդատեր Իվոն Շուկերման անձամբ է հետեւում, որ իր երեք միլիարդ դոլար արժողությամբ ընկերության շահույթն ուղղվի բնապահպանական ոլորտի բարեգործությանը։ Պարբերականն ընտրել է նաեւ 19-րդ դարի ռուս գործարար Ինոկենտի Սիբիրյակովին, որն իրեն անարժան է համարել այն հարստությանը, որը ժառանգություն է ստացել հորից. ուստի, իր պարտքն է համարել այդ փողերը նվիրաբերել նրանց, ովքեր, իրոք, դրա կարիքն ունեն։ Շարքում է ընդգրկվել նաեւ 19-րդ դարի մեկ այլ ռուս վաճառական՝ միլիոնատեր Ֆլոր Երմակովը, որն անձնական ողբերգությունից հետո վաճառում է իր տեքստիլ արտադրության գործարաններն ու այդ գումարով կառուցում անկելանցներ, որբանցներ, հիվանդանոցներ ու բարեգործական ճաշարաններ։



ԴՈՒՍՏՐԸ ՊԱՏԻԺ Է ՊԱՅԱՆՋՈՒՄ

# ՆԱԽԱՐԱՐԻ ՈՐՈՇՈՒՄՆԵՐԸ՝ ԱՆՎԱՎԵՐ

Ինչդեռ հայտնի է, վարչական դատարանը ոչ իրավաչափ էր ճանաչել առողջապահության նախարար Արսեն Թորոսյանի հրամանով փոփոխված կորոնավիրուսային հիվանդությանը բուժառուցների բժշկական օգնության եւ սոլասարկման կազմակերպման կարգը սահմանող որոշ կարգավորումներ:

Այս տարվա մարտի 14-ին վերաքննիչ դատարանը որոշել է առողջապահության նախարարության վերաքննիչ բողոքը ամբողջությամբ մերժել եւ անփոփոխ թողնել վարչական դատարանի 2022 թվականի որոշումը, որով, փաստորեն, նախարարի վիճելի հրամանները անվավեր եւ ոչ իրավաչափ են ճանաչվել:

Ա. Յայրապետյանը, որի հայրը 2020 թվականին մահացել է կորոնավիրուսից, դիմել էր դատարան՝ վիճարկելու առողջապահության նախարարի հրամանը, որով խմբագրվել է կորոնավիրուսային հիվանդությանը բուժառուցների բժշկական օգնության եւ սպասարկման կազմակերպման կարգը եւ սահմանվել է «...Առողջության առաջնային պահպանման հաստատության աշխատաժամերից դուրս եւ ոչ աշխատանքային օրերին հաստատված COVID-19 պացիենտի առողջական վիճակի կտրուկ վատթարացման դեպքում պացիենտը կամ ընտանիքի անդամը կանչ է տալիս շտապ բժշկական օգնության ծառայությանը: Ընդ որում՝ պացիենտը հոսպիտալացվում է, եթե առկա է մարմնի ջերմաստիճանի բարձրացում՝ 38.5C 3 օր եւ ավելի, եւ/կամ արյան թթվածնով հագեցվածությունը SpO2 <93% եւ/կամ շնչառության հաճախությունը >22/րոպե»:

Ա. Յայրապետյանի՝ դատարանին ներկայացրած փաստաթղթերի համաձայն՝ առողջապահության նախարարի 10.04.2020 թվականի թիվ 1239-Ա հրամանի՝ 2020թ. հունիսի 16-ի դրությամբ գործող խմբագրությամբ 5, 6-րդ կետերը թույլ չեն տվել հոսպիտալացնել այն անձանց, որոնց մոտ առկա չի եղել մարմնի ջերմաստիճանի բարձրացում 38.5C 3 օր եւ ավելի եւ/կամ արյան թթվածնով հագեցվածությունը SpO2 <93% եւ/կամ շնչառության հաճախությունը >22/րոպե, փոխարենը՝ նրանք ուղղորդվել են քաղաքային պոլիկլինիկաներ, որտեղ, սակայն, չի տրամադրվել բուժառուցներին որակյալ բուժօգնություն:

Արդյունքում դիմողի հայրը, ունենալով կորոնավիրուսային հիվանդություն, չի ստացել որակյալ բուժօգնություն, ինչի պատճառով մահացել է: Ընդ որում, առողջապահության նախարարի՝ 21.05.2020 թվականի թիվ 1606-Ա հրամանով



նով հաստատված «Արտահիվանդանոցային պայմաններում կորոնավիրուսային հիվանդությանը բուժառուցների բժշկական օգնության եւ սպասարկման կազմակերպման կարգի»՝ 2020թ. հունիսի 16-ի դրությամբ գործող խմբագրությամբ 1-ին եւ 2-րդ կետերը չեն սահմանել կորոնավիրուսային հիվանդության կասկածելի դեպք հայտնաբերելիս նմուշառում կատարելու հստակ ժամկետներ: Սրա արդյունքում Յայրապետյանի հորը նմուշառել են միայն 2020 թվականի հունիսի 19-ին՝ այն պայմաններում, երբ կանչը տրվել է հունիսի 16-ին, իսկ հոսպիտալացրել են միայն հունիսի 23-ին: Եվ ահա, մահացած տղամարդու դուստրը՝ Արուսյակ Յայրապետյանը ուշագրավ հայտարարություն է անում:

«Հորս մահից հետո՝ 2020 թվականին, դատական պրոցես է սկսվել երկու հայացողիմուսով՝ ՀՀ Առողջապահության նախարարության եւ «Մեդլայն» կլինիկայի դեմ: Զուգահեռ՝ հարուցվել է քրեական գործ: Թեման այսօր Լորից թարմացել է, որովհետեւ սույն թվականի մարտի 14-ին ՀՀ վարչական դատարանը ոչ իրավաչափ է ճանաչել ԱՄ՝ այդ ժամանակվա նախարարի կողմից պարտադրված որոշ կարգավորումներ: Բոլորս գիտենք, որ բժշկությունը ճշգրիտ գիտություն չէ, հատկապես՝ համաճարակի ժամանակ, հատկապես՝ նորահայտ վիրուսների դեպքում: Դրան հակառակ՝ կառավարումը, նամանավանդ՝ պետական կառավարումը, հանրային կյանքին վերաբերող հարցերի կազմակերպումը՝ հստակ գիտելիքներ, որակներ ու պրոֆեսիոնալիզմ պահանջող զբաղմունք է ու երբ դրանով զբաղվում են անպատասխանատու եւ սիրողական մակարդակի անհատներ, քաղաքացին դրա ուղղակի կամ կողատերալ գոհն է դառնում:

ՔՆՍՐ ՍՄՆՈՒԿՅԱՆ

ՔՐԵԱԿԱՆ

## ՌԴ ՔԱՂԱՔԱՑԻՆ ԿՐԱԿԵԼ Է ԽԱՆՈՒԹՊԱՆԻՆ

Քննչական կոմիտեի՝ Արարատի մարզային քննչական վարչության Վեդիի քննչական բաժնում իրականացվող քննությանը պարզվում են Լույս մարզի 47-ամյա բնակչի առողջությանը հրազենի գործադրմամբ վնաս պատճառելու դեպքի հանգամանքները:

2024 թվականի ապրիլի 12-ին «Արարատի հիվանդանոց» ԲԿ-ից ահազանգ է ստացվել, որ ոտքին հրազենային վնասվածքով իրենց մոտ բուժօգնության է դիմել 47-ամյա տղամարդ:

Ավելի ուշ պարզվել է, որ վերջինս վնասվածքը ստացել է Արարատ գյուղում գտնվող իր խանութի մոտ հնչած կրակոցների հետեւանքով:

Դեպքի առթիվ նախաձեռնված քրեական վարույթով կատարված դեպքի վայրի զննությամբ՝ հիշյալ խանութի հետամասից հայտնաբերվել է վերցվել են կրակված 2 պարկուճներ:

Իրականացված նախաքննությամբ պարզվել է, որ Արարատի մարզի բնակչին առերեսությամբ մարմնական վնասվածքներ է պատճառել Ռուսաստանի Ռաշնության քաղաքացի հանդիսացող 34-ամյա մի տղամարդ:

Վերջինս, ըստ ձեռք բերված նախնական տվյալների, 2024 թվականի ապրիլի 12-ին՝ ժամը 11:00-ից 12:00-ն ընկած ժամանակահատվածում, Արարատի մարզի բնակչին հանդիպելու պատրվակով, որպես հաճախորդ գնացել է նրան պատկանող խանութ, ապա անձնական հարցերի շուրջ պարզաբանումներ ստանալու համար՝ նրա հետ քայլել խանութի հետամաս:

Այնտեղ տեղի ունեցած խոսակցության ժամանակ տղամարդը, քննությանը դեռելու չպարզված հանգամանքներում ձեռք բերված է իր մոտ ապօրինի պահվող ակոսափող ատրճանակով 2 անգամ կրակել է Արարատի մարզի բնակչի ոտքերի ուղղությամբ՝ պատճառելով մարմնական վնասվածքներ:

Նույն օրը ձեռնարկված քննչական, ինչպես նաեւ օպերատիվ-հետախուզական միջոցառումների արդյունքում՝ 34-ամյա տղամարդը ձերբակալվել է «Ջվարթնոց» օդանավակայանում ՀՀ տարածքը լքելու պահին, եւ ներկայացվել է վարույթի իրականացնող մարմնին:

Հայտնաբերվել է առգրավվել է նաեւ առերեսությամբ հանցագործության գործիք հանդիսացող «SS» տեսակի ատրճանակը:

Ձեռք բերված բավարար փաստական տվյալների հիման վրա տղամարդուն մեղադրանք է ներկայացվել:

Նրա նկատմամբ որպես խափանման միջոց է ընտրվել կալանավորումը, ինչը հետագայում փոխարինվել է տնային կալանքով եւ գրավով:

Նախաքննությունը շարունակվում է:

Միջոցառումներ են ձեռնարկվում դեպքի բոլոր հանգամանքերը, այդ թվում՝ գործադրված հրազենի ձեռքբերման աղբյուրը պարզելու ուղղությամբ:

Ք.ՍՄՆՈՒԿՅԱՆ

ԱՐՏՈՆՅԱԼ ԴԱՏԱԿՈՐ

# ՈՒՄ Է ՄԱԿԱԳՐՎԵԼ ԵՐԻՏԱՄԱՐԻ ԿԱԼԱՆՔԻ ԳՈՐԾԸ

ՔՊ դատաւարը Հակոբ Ալանյանի հետ միջադեռի գործով ձերբակալված Մամվել Վարդանյանի կալանքի գործը մակագրվել է դատավոր Ժորա Չիչոյանին եւ դատելով իրավիճակից՝ նրա կալանքը անխոստափելի է:

Ինչպես հայտնի է, դատավոր Ժորա Չիչոյանը կալանքի որոշում կայացրեց 44-օրյա պատերազմում զոհված զինծա-

ռայող Ժորա Մարտիրոսյանի մոր՝ Գայանե Մարտիրոսյանի մասով, երբ նա վարչապետ Նիկոլ Փաշինյանի որդուն՝ Աշոտ Փաշինյանին, Լուստեցրել էր մեքենան, որ գրուցեն, ու այն վարել էր՝ նշելով, թե ցանկանում էին գնալ «Շաբլուր»:

Ժորա Չիչոյանը դատավոր է դարձել 2022թ. սեպտեմբերի 22-ին. նախկին դատախազ է: ՀՀ նախագահին առարկություն էր ներկայացրել Ժորա Չիչոյանին դա-

տավոր նշանակելու մասով Հայաստանի Հանրապետության Բարձրագույն դատական խորհուրդ, որը ԲԴԽ-ն ընդունել էր ի գիտություն. սակայն ԲԴԽ-ում դատավոր հորեղբոր՝ Սերգեյ Չիչոյանի եւ իր հոր՝ Շիրակի մարզի դատախազ Արմեն Չիչոյանի գործուն ջանքերով՝ ԲԴԽ-ն հաշվի չառավ նախագահի առարկությունը, Ժորա Չիչոյանին նշանակեց դատավոր:

Ք.ՍՄՆՈՒԿՅԱՆ

● Ըստ ոստիկանության տվյալների՝ ապրիլի 16-ից 17-ը ՀՀ ՆԳՆ ոստիկանության ստորաբաժանումների կողմից բացահայտվել է հանցագործության 76 դեպք:

ՀԱՍԱՐԱԿՈՒԹՅՈՒՆ

ՍԱՐՁ

ՓՈՔՐ ՑՈՒՑԱՆԻՇՆԵՐ

Տավուշի մարզպետարանի տվյալներով՝ մարզի գյուղատնտեսական նշանակության հողերը, ըստ հողային հաշվեկշիռի, կազմում են 110 665,6 հեկտար, որից վարելահող՝ 25 485,3 հեկտար, բազմամյա տնկարկներ՝ 1981,8 հեկտար, այդ թվում՝ խաղողի այգիներ՝ 1195,3 հեկտար, պտղատու այգիներ՝ 786,5 հեկտար, խոտհարքներ՝ 9400,6 հեկտար, արոտավայրեր՝ 63 006 հեկտար, այլ՝ 10791,8 հեկտար: Մարզում ոռոգելի հողատարածքները կազմում են 6779,9 հեկտար, որից տնամերձեր՝ 1215,8 հեկտար: Վարչապետ Նիկոլ Փաշինյանը հայտարարում էր, որ Հայաստանում պետք է ավելացնել կաթիլային եղանակով ոռոգվող հողերի քանակը: Տավուշի մարզպետ Հայկ Ղալումյանին «Ժողովուրդ» օրաթերթը հարցում է ուղարկել՝ ճշտելու, թե Տավուշի մարզի հողերում, այգիներում ներկայումս կարկտապաշտպան որքան մակերեսով ցանց կա տեղադրված, որքան հեկտար տարածք է ոռոգվում կաթիլային եղանակով: Մարզպետարանից պատասխանել են, որ Տավուշի մարզի հողերում, այգիներում տեղադրված է կարկտապաշտպան 9 հեկտար ցանց, կաթիլային եղանակով ոռոգվում է 130 հեկտար տարածք: Դրանք փոքր ցուցանիշներ են:

Ո՞Վ ՊԵՏՔ Է ՏՈՒՔԱՆՔԸ ՆՇԱՆԱԿԻ

Հայաստան-Վրաստան միջպետական ավտոճանապարհի Դիլիջան-Իջևան հատվածում ամեն օր կարելի է տեսնել առանց հսկողության արածող կովերի նախիրներ, ձիերի երամակներ: Այդ կենդանիները հաճախ հայտնվում են ճանապարհի երթևեկելի մասում, ստեղծում վթարային իրավիճակներ: Տավուշի մարզպետ Հայկ Ղալումյանին «Ժողովուրդ» օրաթերթի լրագրողը տեղեկատվական հարցում է ուղարկել՝ նշելով. «Տարիներ շարունակ միջպետական ավտոճանապարհի Դիլիջան-Իջևան հատվածում թափառում են կովերի նախիրներ, ձիերի երամակներ՝ ճանապարհին ստեղծելով վթարային իրադրություններ, Տավուշի մարզպետարանը եւ անձամբ Դուք ի՞նչ եք ձեռնարկել այդ երեւոյթի դէմ: Մարզպետարանից պատասխանել են.

«Համաձայն ՀՀ Վարչական իրավախախտումների վերաբերյալ օրենսգրքի 150.2 հոդվածի՝ ընդհանուր օգտագործման պետական ավտոմոբիլային ճանապարհների երթևեկելի մասով եւ բաժանարար գոտիով անասուններ քշելը, ճանապարհի պաշտպանական գոտում առանց մշտական հսկողության անասուն արածեցնելը առաջացնում է տուգանքի նշանակում՝ սահմանված նվազագույն աշխատավարձի տասնհինգապատիկի չափով: Սակայն, համաձայն նույն օրենսգրքի 219.1 հոդվածի՝ տարածքային կառավարման եւ տեղական ինքնակառավարման մարմինների իրավասության մեջ չի մտնում 150.2 հոդվածով նախատեսվածը»: Հարց է ծագում՝ ո՞ր մարմինների իրավասության մեջ է մտնում 150.2 հոդվածով նախատեսված տուգանքի նշանակումը: **ՈՍՎԱՆ ՍԱՐԳՅԱՆ Տավուշ**

ԵՆԽՎ ՆԻՍ

ԺՈՂՈՎՐԴԱՎԱՐՈՒԹՅԱՆ ԱՌԱՋԸՆԹԱՅԸ՝ ԿԱՐԵՎՈՐ

Հայաստանի Հանրապետության Ազգային ժողովի դասվիրակությունը մասնակցել է Սրբաբուրգում ընթացող Եվրոպայի խորհրդի խորհրդարանական վեհաժողովի (ԵՆԽՎ)՝ սարեկան նսաււրջանի երկրորդ մասի աւխաւսանմնրին:

Նիստի շրջանակներում ելույթ է ունեցել ՀՀ ԱԺ պատգամավոր Վլադիմիր Վարդանյանը:

Նա իր ելույթում մասնավորապես նշել է. «Պարոն նախագահ, հարգելի՛ գործընկերներ,

Այս տարի մենք նշում ենք Եվրոպայի խորհրդի խորհրդարանական վեհաժողովի 75-ամյակը, որի գոյության փաստն իսկ էապես բարելավել է ժողովրդավարական միջավայրը մեր մայրցամաքում:

«Եվրոպա» եզրույթն ինքնին դիտարկվում է որպես որակի ցուցիչ բոլոր հարթություններում՝ ներառյալ կյանքի, շրջակա միջավայրի, անվտանգության եւ, իհարկե, ժողովրդավարության որակը:

Եվրոպայի խորհրդի անդամ երկիր լինելու արտոնությունը ժողովրդավարության բարձր որակի, մարդու իրավունքների եւ իրավունքի գերակայության նկատմամբ լիարժեք հարգանքի վկայությունն է: Միեւնույն ժամանակ, այդ արտոնությունը երկնքից իջած բարիք չէ, եւ կազմակերպության յուրաքանչյուր անդամ երկիր պետք է ամենօրյա ջանք գործադրի՝ պահպանելու մեր հիմնարար արժեքներին համապատասխանող ժողովրդավարության մակարդակը:

Ժողովրդավարությունը մի երեւոյթ է, որը մշտապես բախվել է բախվում է մարտահրավերների, հատկապես՝ այսօր, երբ մենք ականատես ենք լինում ագրեսիայի, պատերազմների խժոժությունների, ճգնաժամերի եւ անկայունության ամենաահասարակ դրսեւորումներին, ինչպես Եվրոպայի ներսում, այնպես էլ նրա սահմաններից դուրս:

Այստեղ՝ Եվրոպայի խորհրդում, մենք պետք է գործենք այն գիտակցմամբ, որ ժողովրդավարական խաղաղությունը պարտադիր պայման է իրավունքի գերակայության վրա հիմնված ժողովրդավարական հասարակություն կառուցելու եւ պահպանելու համար:

Ժողովրդավարական խաղաղությունը նաեւ, առանց որեւէ խտրականության,



մարդու իրավունքների լավագույն պաշտպանության նախապայմանն է:

Տիկնայք եւ պարոնայք, մենք ապրում ենք վիթխարի տեխնոլոգիական առաջխաղացման դարաշրջանում: Թվային դարաշրջանը կտրուկ փոփոխել է մեր կյանքը՝ բացելով նոր հեռանկարներ եւ հնարավորություններ՝ միեւնույն ժամանակ բերելով իր հետ նոր մարտահրավերներ, սպառնալիքներ եւ խոչընդոտներ:

Մենք չենք կարող եւ չպետք է հակադարձենք տեխնոլոգիական առաջընթացին, բայց մենք ունենք համընդհանուր պարտավորություն՝ տեխնոլոգիական զարգացումները ծառայեցնել ժողովրդավարության առաջընթացին, եւ, հետեւաբար, մեր առաքելությունն է ապահովել ժողովրդավարական միջազգային իրավական հիմք տեխնոլոգիական զարգացումների՝ ներառյալ արհեստական բանականությամբ տեխնոլոգիաների կարգավորման համար:

Հարգելի՛ գործընկերներ, վերջին 75 տարիների ընթացքում մենք մշակել ենք ժողովրդավարության տարբեր հաջողված մոդելներ՝ հիմնված մեր հիմնարար արժեքների վրա: Այնուամենայնիվ, մենք չենք կարող ժխտել տարբեր անդամ պետություններում ժողովրդավարությունից նահանջելու ինդիքը:

Ժողովրդավարությունից նահանջը մտահոգիչ հիմնախնդիր է մեր կազմակերպության համար, եւ մենք չպետք է թերագնահատենք մեր բոլորի վրա վերջինիս ունեցած ազդեցությունը:

Մենք պետք է ակտիվորեն դիմակայենք դրան եւ ժողովրդավարությունից նահանջի նկատմամբ կիրառենք արժեքների, այլ ոչ թե իրական քաղաքականության վրա հիմնված մոտեցում՝ հավասար վերաբերմունք դրսեւորելով ժողովրդավարությունից նահանջող բոլոր երկրների նկատմամբ:

Տիկնայք եւ պարոնայք, մեր կազմակերպության նպատակն է նպաստել իրական ժողովրդավարության կառուցմանը, այլ ոչ թե արհեստական, կեղծ, անվանական կամ այլ փոխարինողների ձեւավորմանը, որտեղ ժողովրդավարությունն օգտագործվում է որպես շղարջ՝ ավտոկրատ ռեժիմները եւ նրանց իրավախախտումները քողարկելու համար:

Ուստի, մեր առաքելությունը ժողովրդավարությունից նահանջելու վաղ կանխարգելման իրական մեխանիզմների մշակումն է ու ամբողջ Եվրոպայում իրական ժողովրդավարության կայացմանը նպաստելը»,- եզրափակել է Վարդանյանը:

ԷՄՄԱ ՄԻՔԱՅԵԼՅԱՆ

ՅՈՒՆԵՍԿՕ

ՆՈՐ ՀՈՒՇԱՐՁԱՆ ԿԱՐՈՂ Է ՀԱՅՏՆՎԵԼ

Տիրինկասար լեռան վրա գտնվող վիճադաբարերը ՅՈՒՆԵՍԿՕ-ի Համա-խաբային ժառանգության նախնական ցանկում ընդգրկելու նպատակով հայ է դասուսուվել. այն նախնական ցուցակում ներառելու կամ չներառելու որոշումը կկայացվի ամռանը:

«Հայաստանի եւ Արցախի պատմության եւ մշակույթի հուշարձանների պահպանության խոչընդոտներն ու հնարավորությունները» թեմայով քննարկման ժամանակ այս մասին հայտնեց ՀՀ ԿԳՄՍ նախարարության պատմության եւ մշակույթի հուշարձանների պահպանության վարչության պետ Հարություն Վանյանը:

«Հայաստանում մոտ 24 հազար գրանցված հուշարձան կա: Եթե գումար ենք նա-

եւ նորահայտ հուշարձանները, ստացվում է՝ մոտ 25 հազար: ՅՈՒՆԵՍԿՕ-ում գրանցված հայկական մշակութային 3 հուշարձանախմբեր կան՝ Սանահինի եւ Հաղպատի վանական համալիրները, Գեղարդի վանքը՝ Ազատ գետի հովիտով, ու Էջմիածինը՝ իր եկեղեցիներով եւ Զվարթնոց հնավայրով: Եվս 4 հուշարձանախմբեր ընդգրկված են նախնական ցանկերում՝ Դվին հնավայրը, Նորավանքն ու Ամաղուի ձորահովիտը, Երերույքի տաճարը, Տաթեւ վանական համալիրն ու Տաթեւի անապատը»,- ներկայացրեց Վանյանը:

Այս բոլոր գրանցումները կատարվել են 1998-2000 թվականներին: ՅՈՒՆԵՍԿՕ-ի կարգավորումներից մեկն է այն, որ մինչեւ հուշարձանը չի ընդգրկվում նախնական

ցանկում, չի կարող տեղափոխվել հիմնական ցանկ. դա առաջին քայլն է: Իսկ նախնական ցանկերը չեն թարմացվել՝ սկսած 1995 թ.-ից: Այս ցանկը 28 տարի անց, գուցե, ավելանա նոր անունով:

«Նախորդ տարվանից սկսել ենք նոր գործընթաց՝ այս աշխատանքը շարունակելու համար: Տիրինկասար լեռան վրա գտնվող վիճապաբարերը ՅՈՒՆԵՍԿՕ-ի համաշխարհային ժառանգության նախնական ցանկում ընդգրկելու նպատակով պատրաստվել է հայտ՝ որպես Հայկական լեռնաշխարհին բնորոշ բացառիկ մշակութային երեւոյթ, որը այլ տեղ չի հանդիպում: Այս ամռանը նախնական ցանկում ներառելու կամ չներառելու մասին որոշումը կլինի»,- տեղեկացնում է նախարարության ներկայացուցիչը:

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 15 պատահար. 1 մարդ զոհվել է, 17-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ԼՈՒՐԵՐ

ԱՐՏԱԳՐՈՒԹՅՈՒՆԵՐ ԿԱՍԵՑՎԵԼ Է

Լաբորատոր փորձաքննության արդյունքում հայտնի է դարձել, որ «Հայրենյաց Բարիքներ» պահածոների արտադրամասը թողարկել է վտանգավոր սննդամթերք: Այս մասին հաղորդագրություն է տարածել Հայաստանի Հանրապետության սննդամթերքի անվտանգության տեսչական մարմինը:

«Ինչպես արդեն տեղեկացվել է, իրավական ակտերով սահմանված սանիտարահիգիենիկ նորմերի խախտումների հիմքով կասեցվել է «Հայրենյաց Բարիքներ» ՍՊԸ-ին պատկանող պահածոների արտադրամասի արտադրական գործունեությունը:

Ստուգման ընթացքում նմուշներ են վերցվել առկա պատրաստի արտադրանքից և ներկայացվել Լաբորատոր փորձաքննության:

ՀԱՅՏԱՐԱՐՈՒԹՅՈՒՆ

Կորել է դիպում, որը պատկանում է Հայկանուշ Յուրիի Դավթյանին: Դիպումը տրված է 01.07.2003թ.-ին Երեւանի պետական համալսարանի կողմից (դիպլոմի համարը՝ 010845, գրանցման համարը՝ 74530):

Կորել է Երեւան քաղաքում: Գտնելու դեպքում խնդրում ենք կապ հաստատել 094-667-030 հեռախոսահամարով՝ վերադարձնելու համար:

ՀԱՄԱՐԱԿԱՅՆՈՒԹՅԱՆ ԾԱՆՈՒՑՈՒՄ

Շրջակա միջավայրի նախարարության Զրային ռեսուրսների կառավարման վարչության կողմից ՀՀ ջրային օրենսգրքի եւ ՀՀ Կառավարության 07.03.2003թ. N217-Ն եւ 03.08.2023թ. N1332-Ն որոշումների պահանջների համաձայն՝ մշակվում է «Քիչ Գարդեն» ՍՊԸ-ի Արմավիրի մարզի Ակունք համայնքի Ակունք գյուղի վարչական տարածքում գյուղատնտեսական /ռոտզում 42,0 հա / նպատակով ստորերկրյա ջրային ռեսուրսից 60,6 /վ/ ջրառ իրականացնելու ջրօգտագործման թույլտվության ստացման նախագիծը:

Բոլոր շահագրգիռ անձինք, որոնք կցանկանան ծանոթանալ փաստաթղթի մշակման աշխատանքներին եւ փաստաթղթի նախագծի նախնական տարբերակին, կարող են աշխատանքային օրերին՝ ժամը 17:00-ից 18:00-ն, դիմել ջրային ռեսուրսների կառավարման եւ պահպանության մարմին (հասցեն՝ Կառավարական 3-րդ տուն, 5-րդ հարկ):

Ծանուցմամբ ներկայացված փաստաթղթի նախագծի նախնական տարբերակի վերաբերյալ դիտողություններ եւ առաջարկություններ ներկայացնելու դեպքում փաստաթղթի քննարկումը տեղի կունենա

2024 թվականի ապրիլի 23-ին՝

(տարեթիվը, ամիսը, ամսաթիվը)

Ժամը 16:00-ին: Հասցե՝ Կառավարական 3-րդ տուն, 5-րդ հարկ, 541 սենյակ: Շրջակա միջավայրի նախարարություն

ՔԱՂԱՔԱՇԻՆՈՒԹՅՈՒՆ

ՈՒՐՈՑԸ ՊԵՏՔ Է ԲՆԱԿԱՆՈՆ ԶԱՐԳԱՆԱ

Քաղաքացիության կոմիտեի նախագահ Եղիազար Վարդանյանը հանդիպել է Կառուցադասողների հայկական ասոցիացիայի խորհրդի անդամների հետ:

Եղիազար Վարդանյանն ընդգծել է, որ որպես կոմիտեի առանցքային գործընկեր՝ կարելի է ասոցիացիայի հետ համագործակցության խորացումը՝ ոլորտային հարցերի վերահաման եւ արդյունավետ լուծումների մշակման առումով: «Առաջարկում եմ համատեղ աշխատել՝ հրատապ խնդիրների շրջանակը որոշելու եւ օր առաջ լուծելու ուղղությամբ՝ զուգահեռաբար մշակելով ոլորտի բարեփոխման հետագա քայլերը: Մեր ցանկությունն ու վճռական մոտեցումն է՝ ապահովել բնագավառի բնականոն զարգացման հնարավորությունը՝ վերացնելով խոչընդոտները, միաժամանակ գնահատելով հնարավոր ռիսկերն ու մարտահրավերները»,-վստահեցրել է Քաղաքաշինության կոմիտեի նախագահը:

Կառուցապատողները շնորհակալություն են հայտնել Եղիազար Վարդանյանին պատրաստակամության եւ ոլորտի դերակատարների հետ երկխոսությունը գործնական հարթակում պահելու համար: «Ծանոթ լինելով դեռեւս որպես ճարտարապետության եւ շինարարության Հայաստանի ազգային համալսարանի ռեկտոր Ջեր մոտեցմանը, այն է՝ գիտական միտքը ծառայեցնել պրակտիկ գործունեությանը՝ լիահույս ենք, որ կոմիտեի հետ



մինչ այս ձեւավորված բարձր մակարդակի գործընկերությունը նոր լիցք կստանա: Ասոցիացիան պատրաստ է համագործակցել ոլորտի մարտահրավերների հաղթահարման գործում»,-նշել է Կառուցապատողների հայկական ասոցիացիայի նախագահ Գուրգեն Գրիգորյանը:

Ուրվագծելով հիմնական առաջնահերթությունները՝ կոմիտեի նախագահն առանձնացրել է հողամասի նպատակային նշանակության փոփոխության գործընթացի թվայնացումը, համալիր փորձաքննության կազմակերպման ձեւի եւ բովանդակության վերանայումն ու հստակեցումը, ինչպես նաեւ քաղաքաշինական թվային կադաստրի ձեւավորումը, որոնց առաջիկայում ձեռնամուխ է լինելու կոմի-

տեն: Նա նշել է, որ բարեփոխումներն ամբողջ ծավալով իրականացնելիս անհրաժեշտ կլինի փոփոխություններ կատարել քաղաքաշինական գործընթացները կարգավորող իրավական ակտերում:

Հանդիպման ընթացքում, ի թիվս մի շարք կարեւոր հարցերի, դիտարկվել է նաեւ կառուցապատողների հնարավոր ներգրավումը Հայաստանում Ֆրանկոֆոնիայի 10-րդ խաղերի կազմակերպման շրջանակում բնակելի ավանի ստեղծմանը, ինչպես նաեւ քննարկվել է ԼՂ-ից բռնի տեղահանված հայրենակիցներին ժամանակակից տեխնոլոգիաներով արագ կառուցվող տներով ապահովելու գաղափարը:

ԷԼՄԱ ՄԱՐՏԻՐՈՍՅԱՆ

ՀԱՅՏԱՐԱՐՈՒԹՅՈՒՆՆԵՐ

«ՎՏԲ-ՀԱՅԱՍՏԱՆ»-Ը՝ ARMMONO-Ի ԳԼԽԱՎՈՐ ԳՈՐԾԸՆԿԵՐ

«ՎՏԲ-Հայաստան» բանկն աջակցել է ARMMONO 22-րդ ամենամյա միջազգային փառատոնին, որն այս տարի անցկացվում է Երեւանում՝ ապրիլի 17-ից մայիսի 3-ը: Ծրագրում ընդգրկված են տարբեր ժանրերի ավելի քան 20 հայկական եւ արտասահմանյան մոնոներկայացում՝ մոնոդրամա, մոնոստեղագի:

Ներկայացումները տեղի կունենան Երեւանի թատերական տարբեր դահլիճների բեմերում՝ 50 դերասանների մասնակցությամբ: Արտասահմանյան բեմադրություններից հանդիսատեսին կցուցադրվեն «Մոնոկլ» մոնոներկայացումների միջազգային փառատոնի հաղթող ճանաչված երկու ռուսական ներկայացումներ եւ մեկ ներկայացում Բելառուսից: Փառատոնի շրջանակներում նախատեսված են նաեւ Ռուսաստանից ժամանած հայտնի արտ-մենեջերների, ռեժիսորների եւ դերասանների վարպետության դասեր:

«Մենք ուրախ ենք աջակցելու ARMMONO փառատոնին, որը վառ իրադարձություն է դարձել երկրի մշակութային կյանքում: Այս միջոցառումը ավելի քան երկու տասնամյակ միավորում է տաղանդավոր դերասանների, ռեժիսորների եւ բոլոր նրանց, ովքեր գնահատում եւ սիրում են արվեստը: Նման միջոցառումները նպաստում են թատերական արվեստի զարգացմանը եւ տարբեր երկրների ստեղծագործական թիմերի միջեւ փոխգործակցության ամրապնդմանը: Վստահ եմ, որ այս տարվա բոլոր ներկայացումները մեծ հետաքրքրություն կառաջացնեն

հանդիսատեսի մոտ եւ կգրավեն թատերական ստեղծագործության նոր երկրպագուներ»,- նշել է «ՎՏԲ-Հայաստան» բանկի գլխավոր տնօրեն - տնօրինության նախագահ Արա Ավագյանը:

«ARMMONO փառատոնը գոյություն ունի ավելի քան 20 տարի: Մոնոներկայացումն աշխարհում ճանաչված ժամանակակից թատերական ժանրերից է, որը հարգատ է դարձել մեր հանդիսատեսին նույնպես: Մենք շատ շնորհակալ ենք, որ «ՎՏԲ-Հայաստան» բանկն աջակցում է մեզ նման լայնածավալ նախագծում, որը, անկասկած, կարելի էր կունենա հայկական մշակույթի զարգացման եւ միջազգային հարաբերությունների ամրապնդման գործում»,- նշել է փառատոնի տնօրեն Մարիանա Մխիթարյանը:

Միջոցառման վերաբերյալ մանրամասն տեղեկատվությունը եւ թատերական ներկայացումների ժամանակացույցը կարելի է գտնել փառատոնի պաշտոնական կայքում եւ սոցիալական էջերում:

«ՎՏԲ-Հայաստան» բանկը վերահսկվում է ՀՀ ԿԲ կողմից:

«ԿՈՆՎԵՐՍ ԲԱՆԿ» ՊԱՐՏԱՏՈՄՄԵՐ

«Կոնվերս Բանկը» հայտարարում է դրամային եւ դոլարային պարտատոմսերի 2024-ի առաջին տրանշի տեղաբաշխման մեկնարկի մասին:

Ինչպես նշել են բանկում, ապրիլի 17-ից կտեղաբաշխվի 5 մլրդ դրամ ծավալով դրամային եւ 10 մլն ԱՄՆ դոլար ծավալով դոլարային պարտատոմսեր: Պարտատոմսերի տարեկան արժեկտրոնային եկամտաբերությունը կազմում է համապատասխանաբար 10.25% եւ 4.75%, ար-

ժեկտրոնի վճարման պարբերականությունը՝ կիսամյակային: Դրամային պարտատոմսերի մարման ժամետը 17.04.2026-ն է, իսկ դոլարային պարտատոմսերինը՝ 17.04.2027-ը:

«Կոնվերս Բանկը» պարբերաբար հանդես է գալիս պարտատոմսերի թողարկումներով: Բանկի կորպորատիվ պարտատոմսերը մեծ պահանջարկ ունեն թե՛ ինստիտուցիոնալ ներդրողների, թե՛ ֆիզիկական անձ հաճախորդների կողմից, այդ թվում՝ Converse Mobile հավելվածում ձեռքբերման հնարավորության շնորհիվ: Բանկը շատ է կարեւորում թվային տեխնոլոգիաների կիրառումը տեղաբաշխման գործընթացում: Ընդհանուր առմամբ, առ այսօր տեղաբաշխվել է մոտ 41,6 մլրդ ՀՀ դրամին համարժեք պարտատոմս, որից մոտ 19,6 մլրդ ՀՀ դրամին համարժեք պարտատոմսը ներկայումս շրջանառվում է Հայաստանի ֆոնդային բորսայում»,- ասել է «Կոնվերս Բանկի» Ներդրումային դեպարտամենտի տնօրեն Գրիգորի Զաքարյանը:

Թողարկման եւ տեղաբաշխման մանրամասներին, ծրագրային ազդագրի եւ թողարկման վերջնական պայմանների կարող էք ծանոթանալ «Կոնվերս Բանկի» կայքէջում:

Պարտատոմսերով ներգրավված դրամական միջոցները երաշխավորված են ավանդների հատուցումը երաշխավորող հիմնադրամի կողմից:

Տեղաբաշխման ավարտից հետո պարտատոմսերը կներկայացվեն ցուցակման «Հայաստանի ֆոնդային բորսա» ԲԲԸ-ում՝ երկրորդային շուկայում շրջանառվելու համար:

«Կոնվերս Բանկը» վերահսկվում է ՀՀ ԿԲ կողմից:


«ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՄՇԱԿՈՒՅԹ

ԲԱՆՏՈՒՄ ԳՐՎԱԾ ՎԵՊԻ ԾՆՈՒՆԴԸ

«ՊԵՏՔ Է ՄԻ ՆՈՐ, ՆՇԱՆԱՎՈՐ ԳՈՐԾ ՏԱՄ»

Հարավային Կովկասի մշակույթի վասակավոր գործիչ, հայ գրող, արձակագիր, դրամատուրգ Ալեքսանդր Շիրվանզադեի ծննդյան 166-րդ տարեդարձն է: Գրողը, ով 1934 թվականից ԽՍՀՄ գրողների միության անդամ է, ծնվել է Ռուսական կայսրության ժամանակաշրջանում, Շամախիի նահանգում բնակվող դերձակի ընտանիքում:



Հետաքրքիր փաստ է, որ Շիրվանզադեն, գրող է գրականագետ Կոստան Զարյանն ու դերասան Յովհաննես Աբելյանը երեք քույրերի զավակներ են:

Շիրվանզադե գրողի ստեղծագործական կյանքի վրա ազդեցությունը սկսվել է վաղ տարիքում՝ հատկապես Բաքվում անցկացրած պատանեկության եւ երիտասարդության տարիներին: Այս տարիները, երբ մի քանի տարի դպրոցում սովորելուց հետո Ալեքսանդրը թողնում է կրթությունն ու մեկնում Բաքու՝ աշխատելու, որպեսզի կարողանա օգնել ընտանիքին, մեծ հետք են թողնում ապագա գրողի ստեղծագործությունների վրա: Այս ընթացքում նա աշխատում է նահանգային վարչության ատյաններում, նավթային գրասենյակներում, զանազան ընկերություններում՝ գրագիր, հաշվապահի օգնականի եւ հաշվապահի պաշտոնով: Գրողի ստեղծագործություններում հատկապես նկարագրվում է նավթային աշխարհը:

Գրողը իր երկերի լավագույն ընտրանին գրում է 1890-ից 1905 թվականներին, երբ վերելք էր ապրում հասարակական-քաղաքական կյանքը: 1893 թվականին լույս է տեսնում «Արսեն Դիմաքսյան» վեպը, որն արտացոլում է հայ մտավորական հոսանքների գաղափարական ու բարոյական հակասությունները եւ գործունեությունը, իսկ 1896 թվականին՝ ուսանողական կյանքին վերաբերող «Կրակ» վիպակը: Ավելի ուշ գավառական քաղաքի արհեստավորության սոցիալական ու բարոյական ողբերգության պատմությունը շարունակում է «Չար ոգին» վիպակում:

«Քառս»-ը կապիտալիստական մեծ քաղաքի ռեալիստական նկարագրությունն է, որը հայ քննադատական ռեալիզմի ամենախոշոր երեւոյթն է թե՛ գեղարվեստական եւ թե՛ գաղափարական առումով: Վեպում ներկայացվում է մարդկային ողբերգության պատճառներն ու ակունքները, հոգեբանական բարդ երեւոյթների արտաքին ազդակները եւ սոցիալական հիմքերը:

Այս տարիների ընթացքում իր գրական առաջին քայլերն անող Ալեքսանդրը թղթակցում է հայ եւ ռուսական մամուլին, գրում հոդվածներ նավթային հարցի եւ բանվորների դրության մասին: 1883 թվականին «Մշակ»-ում տպագրվել է Շիրվանզադեի առաջին գեղարվեստական երկը՝ «Հրդեհ նավթագործարանում» պատմվածքը, ապա «Գործակատարի հիշատակարանից» վիպակը:

Ստեղծագործական կյանքից բացի՝ Ալեքսանդր Շիրվանզադեն դերակատարում է ունեցել ազգային- հասարակական կյանքում: 1895-ից 1896 թվականներին արեւմտահայերի կոտորածների շրջանում Հնչակյան կուսակցության անդամակցող Շիրվանզադեն մեկնում է Ռուսաստան՝ Նյուրնբերգի քաղաքում միջոցներ հանգանակելու եւ աշխատանքները կազմակերպելու համար: Հենց այս ընթացքում էլ կալանավորվել է ռուսական ոստիկանության կողմից եւ բանտարկվել Թիֆլիսի Սետեխի բանտում, որտեղ էլ գրել է իր գլխավոր գործը՝ «Քառս» վեպը:

Վեպը այնքան մեծ հնչեղություն է ձեռք բերել, որ առ այսօր համարվում է Շիրվանզադեի հաղթաթուղթը: Այն հիմք է հանդիսացել ֆիլմերի, հեռուստատեսային նախագծերի համար:

Նույն թվականին նա մեկնել է Թիֆլիս, որտեղ ծանոթացել է հայ գրողների եւ մտավորականների հետ: 1884 թվականին «Արծազանք» շաբաթաթերթում լույս է տեսնում Շիրվանզադեի «Խնամատար» վիպակը, որում ներկայացված է հայ կապիտալիստի կերպարը, ապա 1885 թվականին՝ գավառական քաղաքի կյանքը ներկայացնող «Նամուս» վեպը, որի շնորհիվ էլ երիտասարդ գրողը հայտնիություն է ձեռք բերել:

1898 թվականի հունվարին Շիրվանզադեն երկու տարով աքսորվում է Օդեսա եւ հենց այս ընթացքում էլ գրում է «Մելանիա» եւ «Արտիստը» վիպակները, «Վարդան Ահրամյան» վեպի առաջին մասը: Շիրվանզադեն բացառիկ դեր է խաղացել հայ դրամատուրգիայի եւ թատրոնի պատմության մեջ:

1886-ից 1891 թվականներին Շիրվանզադեն աշխատում է «Արծազանք»-ում որպես քարտուղար, որտեղ էլ տպագրում է «Ֆաթման եւ Ասադը» (1888) եւ «Տասնուհինգ տարի անցած» (1890) նովելները, «Արամբին» (1888) եւ «Ջուր հոյսեր» (1890) վեպերը:

1895 թվականին նա մեկնում է Փարիզ եւ հինգ տարի բնակվում այնտեղ՝ տուրք տալով լիբերալ գաղափարախոսությանը: Սրան հաջորդում է առաջին համաշխարհային պատերազմը, որը խոր հետք է թողնում գրողի վրա եւ զգալիորեն արտահայտվում նրա հոգվածներում:

ՎԵՐԱՆՈՐՈՂՄԱՆ ՊԱՏՐՎԱԿ

ԻՋԵՑՎԵԼ Է ՂԱԶԱՆՉԵՑՈՑԻ ԳՄԲԵԹԸ

Ադրբեջանական Տեյեբգամյան ալիքներում նկարներ են հայտնվել, թե ինչոպես են Շուքիի Սուրբ Ղազանչեցոցի վանքի գմբեթը վերածել մզկիթի գմբեթի:

Նկարներին կից առկա է հետեւյալ մակագրությունը. «Շուքա քաղաքի «Գազանչի» եկեղեցու վերականգնումն ակտիվացել է Աշխատանքներ են տարվում տանիքի փոխարինման եւ վնասված պատերի բեկորների վերականգնման ուղղությամբ»:

Լուսանկարներից երեւում է, որ ադրբեջանական կողմը քանդել է երկթեք ճակատներից մեկի վրայի խաչաձեւ լուսամուտը եւ դրանից վեր գտնվող պատկերաքանդակը:

Վերականգնման անվան տակ այն վերածում են մզկիթանման շինության:

Հիշեցնենք, որ 44-օրյա պատերազմի ժամանակ ադրբեջանական ռմբակոծությունից վնասվել էր եկեղեցու հարավային ճակատը՝ խաչաձեւ լուսամուտով հանդերձ: Այն հստակ երեւում է դեռես 2020 թվականի հոկտեմբերին արված լուսանկարներից: Ուստի ակնհայտ են տաճարի մանրամասների ուղղակի ավերման, ձեւափոխման աշխատանքները, ինչը դրսեւորվում է տաճարի չափերտավոր վերականգնման հենց սկզբից:

● Ապրիլի 20-ին՝ ժամը 12:00-ին, «Գ. Սունդուկյանի անվան ակադեմիական թատրոնում տեղի կունենա «Ալադին» մանկական ներկայացումը: Տոմսերի արժեքը՝ 1000-3000 դրամ:

ՄԱՐԶԱԿԱՆ

ՀԱՂԹԵԼ Է ԲԱՐՍԵԼՈՆԱՅԻՆ

Ֆրանսիական ՊՍԺ-ի ֆուտբոլիստները Չեմպիոնների լիգայի քառորդ եզրափակի պատասխան խաղում համոզիչ հաղթանակ են տարել իսպանական «Բարսելոնայի» նկատմամբ: Հանդիպումը կայացել է Բարսելոնայի օլիմպիական մարզադաշտում եւ ավարտվել 4:1 հաշվով: Փարիզյան թիմի կազմում աչքի են ընկել Դեմբելե, Վիտինյան ու Մբեպե (11մ), որը դուբլ է ձեռակերպել այս խաղում: Կիսաեզրափակչում ՊՍԺ-ն կհանդիպի Դորտմունդի «Բորուսիայի» հետ:

ՄՐՑԱՇԱՐԻ ՀԱՂԹՈՂ

Հայաստանի հրաձգության հավաքականի անդամ Էլմիրա Կարապետյանը դարձել է Ռիո դե Ժանեյրոյի միջազգային մրցաշարի հաղթող: Փարիզի Օլիմպիական խաղերի վարկանիշային մրցաշարում Կարապետյանը, 3-րդ տեղով դուրս գալով եզրափակիչ, դարձել է մրցաշարի հաղթող: Եզրափակչում հայ հրաձիգը 240,7 միավորով առաջինն է: Էլմիրա Կարապետյանը մինչ այս արդեն իսկ ուներ Փարիզի Օլիմպիական խաղերի ուղեգիր: Ավելի վաղ կայացել էր 10 մետր օդամուկից ստրանակ ձեւի զույգերի պայքարը, որտեղ Էլմիրա Կարապետյան-Բենիկի Խլղաթյանը զույգը միայն 5-րդն էր: Հայաստանը Ռիոյի վարկանիշային այս մրցաշարում ներկայացված է երեք մարզիկով՝ Էլմիրա Կարապետյան, Բենիկ Խլղաթյան, Հրաչ Բաբայան:

3 ԱՐԾԱԹ ԵՎ 2 ԲՐՈՆԶ

Բռնցքամարտի Հայաստանի երիտասարդական հավաքականը հորվաթիայում անցկացված այս տարիքային խմբի Եվրոպայի առաջնությունում հինգ մեդալ է նվաճել: Արծաթե մեդալի արժանացել են 51 կգ քաշային Դավիթ Սաֆարյանը, 92 կգ Դավիթ Սիմոնյանը եւ +92 կգ Միսակ Տեպանյանը: Իսկ Էրիկ Առուստամյանը՝ 57 կգ քաշային կարգով եւ Լուսյա Ավետիսյանը՝ 54 կգ, բավարարվել են բրոնզով:

ՀՐԱԺԱՐՎԵԼ Է ՄԵՆԱՄԱՐՏԵԼ

Խառը մենամարտերի մինչեւ 70 կգ քաշային կարգում UFC դասակարգման չորրորդ համար Արման Շառուկյանը հրաժարվել է հունիսի 1-ին Նյու Ջերսիում անցկացվելիք UFC 302 մրցաշարում մենամարտել այս քաշային կարգում UFC չեմպիոն, ռուսաստանցի Իսլամ Մախաչեւի հետ: Այդ մասին հայտնել է Արման Շառուկյանի մենեջեր Սայաթ Աբրահամյանը: Արման Շառուկյանը UFC 300 մրցաշարում պարտության էր մատնել դասակարգման առաջին համար, բրազիլացի Չարլզ Օլիվեյրային եւ դարձել չեմպիոնական տիտղոսի պաշտոնական հավակնորդ: «Մեզ առաջարկում էին ընդունել Մախաչեւի դեմ մենամարտը հունիսի 1-ին Նյու Ջերսիում, սակայն մենք որոշեցինք հրաժարվել եւ այդ մենամարտին պատրաստվելու համար անցկացնել լիարժեք մարզումային ճամբար»,- Սայաթ Աբրահամյանի խոսքը մեջբերում է «MATCH TB»-ն:





**ՊԱՇՏՊԱՆՈՒԹՅՈՒՆ**

**ՀԱՐՑ. Հաճախ ենք լսում քաղաքացիական դատաբանության ծառայությունների և կազմավորումների մասին. ինչե՞ր են դրանք:**  
Սուշեղ Առաքելյան (20 տարեկան)



**ՊԱՏԱՄԻԱՆ.** Քաղաքացիական պաշտպանության ծառայությունները ստեղծվում են պետական կառավարման և տեղական ինքնակառավարման մարմիններում, ինչպես նաև պաշտպանական, տնտեսության համար ռազմավարական կշանակություն ունեցող, քաղաքացիական պաշտպանության տեսանկյունից բարձր վտանգավորություն ներկայացնող կազմակերպություններում, որոնք նախատեսված են քաղաքացիական պաշտպանության միջոցառումների իրականացումն ապահովելու նպատակով ոլորտային (բժշկական, էներգետիկայի, տրանսպորտային, կոմունալ-տեխնիկական և այլն) խնդիրների լուծման համար:

Քաղաքացիական պաշտպանության ծառայությունների ընդհանուր խնդիրներն են՝  
- քաղաքացիական պաշտպանության միջոցառումների ապահովման պլանավորումը և իրականացումը քաղաքացիական պաշտպանության համակարգի ռազմական դրության ժամանակ գործելու դեպքում,  
- քաղաքացիական պաշտպանության ծառայությունների կազմավորումների ստեղծումը, դրանց ապահովումն անհրաժեշտ կյուբատեխնիկական միջոցներով, պատրաստումը և մշտական պատրաստակալության վիճակում պահպանումը,  
- ստեղծված իրադրության մասին ոլորտային տեղեկատվության ստացման, վերլուծման և գնահատման կազմակերպումն ու քաղաքացիական պաշտպանության համապատասխան պետին փրկարարական, անհետաձգելի վթարավերականգնողական աշխատանքների կազմակերպման վերաբերյալ առաջարկություններ ներկայացնելու համար:

ՀՀ ԱԻՆ

**«ԺՈՂՎՈՒՐԳ».** Խոցման օջախներում փրկարարական և վթարավերականգնողական աշխատանքների կատարման համար համայնքներում, կազմակերպություններում ստեղծվում են ինժեներական, վթարատեխնիկական, գյուղատնտեսական կենդանիների պաշտպանության, հետախուզական և քաղաքացիական պաշտպանության այլ կազմավորումներ: Դրանց անհրաժեշտ տեսակները, թիվը, կազմակերպական կառուցվածքը և հագեցվածության նորմերը մշակում ու հաստատում են կազմավորումներ ստեղծող քաղաքացիական պաշտպանության պետերը (համայնքների ու կազմակերպությունների ղեկավարները):

**ԿՐԹՈՒԹՅՈՒՆ**

**ՀԱՐՑ. Եթե երեխայի ավագ եղբայրը կամ փույրը հաճախում են սվլալ դուրոց, աղա մրան որեւէ արճնություն սրվո՞ւմ է:**  
Սուլսես Երիցյան (41 տարեկան)



**ՊԱՏԱՄԻԱՆ.** «Հանրակրթության մասին» ՀՀ օրենքի 28-րդ հոդվածի առաջին մասի առաջին կետի համաձայն՝ ցանկացած ծնող իրավունք ունի երեխայի ուսուցման համար ընտրելու ուսումնական հաստատությունը և կրթության ձեւը: Հետեւաբար, որեւէ չափանիշ, ներառյալ բնակավայրին կամ աշխատանքի վայրին մոտ գտնվելու կամ տվյալ դպրոցը հաճախող քույր կամ եղբայր ունենալու փաստը, չի կարող որեւէ երեխայի գրանցման համար առաջնահերթություն ապահովել:

ՀՀ ԿԳՄՍ

**«ԺՈՂՎՈՒՐԳ».** Եթե ցանկանում եք, որ Ձեր երեխան սովորի հենց Ձեր նախընտրած դպրոցում, ապա հարկավոր է հնարավորինս շուտ գրանցվել առցանց համակարգի միջոցով, քանի դեռ տվյալ դպրոցի համար սահմանված տեղերը չեն սպառվել:

**ԼՈՒՐ ԿԱԴՐ**

Լուսանկարը՝ համացանցից



Հայաստանի մարմնամարզության հավաքականի անդամները հաջող են մեկնարկել աշխարհի գավաթի խաղարկության վերջին փուլում: Հայաստանի ընտրանու կազմում Օլիմպիական ուղեգիր նվաճելու հնարավորություն ունի Վահագն Դավթյանը (օղակներ): Դավթյանը ուղեգիր կնվաճի, եթե եզրափակչում զբաղեցնի առաջին հորիզոնականը:

**ԲԱԺՆՈՐԴԱԳՐՈՒԹՅՈՒՆ**

Մեր թերթը  
Բաժանորդագրվելու  
համար կարող եք դիմել



«Հայամուկ» ՓԲԸ  
հեռ. 45-82-00, 45-19-11

«Հայփոստ» ՊԲԸ  
հեռ. 51-45-46, 51-45-47

«Բլից-Մեդիա» ՍՊԸ  
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), և մենք անպայման կանդրադարձանք ձեր բարձրացրած բոլոր խնդիրներին:

**ԱՌԱՋԱՐԿ**  
**հայկական տպագիր մամուլից**


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը և ուղարկել նշված հասցեով: Ամեն օր թերթը կհասնի ձեր նախընտրելի վայր:

**Բաժանորդագրության բլանկ**

Անուն՝ \_\_\_\_\_  
Ազգանուն՝ \_\_\_\_\_  
Առաքման հասցե՝ \_\_\_\_\_  
Բջջային եւ/կամ քաղաքային հեռախոս՝ \_\_\_\_\_

Հեռ.՝ (060) 490049  
0023, Արշակունյաց 2, 5-րդ հարկ, 518ս.

**ԵՂԱՆԱԿԻ ՏԵՍՈՒԹՅՈՒՆ**



Շիրակ	+ 4 + 5 +15 + 20	Արարատ	+10 + 12 +25 + 27
Կոտայքի լեռներ	+ 2 + 5 +15 + 19	Արմավիր	+ 8 + 10 +25 + 27
Կոտայքի նախալեռներ	+ 8 + 10 +20 + 22	Վայոց ձորի լեռներ	+ 2 + 4 +15 + 19
Գեղարքունիք	+ 2 + 5 +15 + 18	Վայոց ձորի նախալեռներ	+10 + 13 +24 + 27
Լոռի	+ 5 + 7 +22 + 25	Սյունիքի հովիտներ	+ 8 + 11 +24 + 26
Տավուշ	+ 7 + 10 +23 + 26	Սյունիքի նախալեռներ	+ 4 + 8 +18 + 21
Արագածոտնի լեռներ	+ 2 + 5 +14 + 18	ԼՂՀ	+ 2 + 7 +17 + 20
Արագածոտնի նախալեռներ	+ 7 + 9 +19 + 23	Երեւան	+13 + 15 +20 + 22

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ  
Հասցեն՝ ք. Երեւան, Աբովյան 22<sup>ա</sup>/3, հեռ՝ 010 54-64-23  
Պետական գրանցման վկայականի համարը՝ 03U089086  
տրված է 24.11.2010  
Ստորագրված է տպագրության 17.4.2024

Գլխավոր խմբագիր՝  
**ՔՆԱՐ ՄԱՆՈՒԿՅԱՆ**

Տպագրված է «ԳԻՆԴ» տպարան ՍՊԸ հրատարակչությունում  
խմբագրություն հանձնված նյութերը չեն գրայնստվում և չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: